

Մինչ՝ հանդիսատես՝ կը ծափեն մարդիկ ու կը ծիծաղին.
Հին օրերու պէս կը բախեն բաժակ, ու կ'ըմպեն գինին:

Հանրատուներու դռներուն առջեւ ահա՛ քովէ քով
կը շաղակրատեն անսիրտ ղիականեր, կը շաղակրատեն.
կը մօտենան ինձ, կուրծքիս կը փարին և նշարակներով
Սիրտս կը ճեղքեն, ԸԶԳԱՅՈՒՄԻՍ դէմ, սիրտս կը ճեղքեն:

Մինչ՝ հանդիսատես՝ կը ծափեն մարդիկ ու կը ծիծաղին.
Հին օրերու պէս կը բախեն բաժակ ու կ'ըմպեն գինին:

Տես, խաւարին մէջ կը հետեւին ինձ, կը հալածեն զիս
Առանց զըլուխի շարժող մարմիններ, առանց զըլուխի,
Գանկըս կը փընտռեն և ՄՏԱԾՈՒՄԻՍ հըրացան կ'ուղղեն՝
Որպէսզի մեռնի՝ ըստեղծողն իմ մէջ, որպէսզի մեռնի:

Մինչ՝ հանդիսատես՝ կը ծափեն մարդիկ ու կը ծիծաղին,
Հին օրերու պէս կը բախեն բաժակ, ու կ'ըմպեն գինին:

4 Մայիս 1934

ՀԻԱԶ ՔԱԶԱՐԵՆՑ

ՏՕՆԱԿԱՆ ԱՅԳ

Ձանգակներն ինչ ունին որ մօտն ու հեռուն
կը ղողանջեն, կը տղզան:

Երգ մ'է անհուն՝ մերթ ոսկի, մերթ արծաթի,
Ըստուերին մէջ աւօտեան:

Յամբը ճօճքով մը կը հայցես, ոսկի ձայն,
Երկընքին մէջ քնէած:

Հնչուն երգին մէջ կը գանչէ բու ղողանջող
Արծաթի ձայն — կը պաշտեմ,

կը պաշտեմ — Օ՛ն ըսէ, ոսկի նօթ — Ալիքն
Երկնքէն կախ է, հանդարտ:

Բայց ձայն մը խոր՝ սիրոյն ներքեւ կ'որոտայ
կարծես ըղձին պատասխան:

Գերեզմանի ձայնն է այն:

Թրգմ. Հ. Ա. ՂԱԶԻԿԵԱՆ

Յ. ՓԱՍՏՈՒԼԻ

ՅՈՎՀԱՆՆԷՍ ԵՓԵՍԱՅԻ (ԵՊՍ.)

ԵԿԵՂԵՑԱԿԱՆ ՊԱՏՄՈՒԹԻՒՆ

(Շար. տես Բազմավէպ, 1934, էջ 52)

ՊԱՏՄՈՒԹԻՒՆ Բ.

Վասն սակաւատեւ խաղաղութիւն, որ
ընդ այն ժամանակս եղեւ, ամս երկուս յեր-
կրին Ասորոց. և ասպատակ որքային Պար-
սից յերկիրն Հռոմոց, ի Հայաստան եւ ի
Կապադովկիա:

Յետ այս ամենայնի խաղաղութիւն
հաշտութեան լինէր յերկրին Ասորոց զամս
երկուս, վճարելով երկու տաղանդս վասն երկրի
ամաց, բայց ի Հայաստան պատերազմ դեռ
յերկրոցունց կողմանց եւս ունէր մղել: Եւ
քանզի զառաջին մասն իրացս վերագոյն
ուրեմն յեկեղեցական պատմութեանս սա-
կաւուր պատմեցի, թէ որպէս Պարսկահայք
կամեցան մտանել ընդ իշխանութեամբ Հռ-
ոմոց, այժմ մնայ ինձ զայն ասել որ ինչ
յետ այնր ժամանակի պատահեաց: Թա-
գաւորն Պարսից իբրեւ էառ զԴարան՝ հը-
պարտացեալ յանձն իւր խրոխտայր կու-
րութեամբ. եւ համարեալ կարծէր եթէ չիք
այնուհետեւ երկիրդ պատերազմի յերկրին
Ասորոց, մեծաւ յուսով դիմեաց ի Հայաս-
տան, հաստատելով զերեսս իւր ի սահմա-
նագլուխ անդր իւրոյ բաժնին Հայոց, ի
Թէոդոսուպոլիս, ի Կեսարիա, ի Կապա-
դովկիա և յայլ քաղաքս կողմանցն: Մինչ-
դեռ նա յայս միտս քաջալերէր, առաքեցաւ
առ նա լռակացն Թէոդորոս հրեշտակու-
թեամբ, եւ ետես զնա վառեալ կազմու-
թեամբ ի պատերազմ: Կալաւ զնա թա-
գաւորն առ իւր, և մինչ խնդրէր լռակացն
արձակել զինքն՝ նա ծաղրելով իմն ասէր
ցնա, եկ ի միասին երթիցուր ի Թէոդո-

սուպոլիս Հայոց, պարտ է քեզ ընդ իս
երթալ անդր, զի լուանաս ի Ջերմուկսն
և հանգչիս և ապա արձակեմ զքեզ եր-
թալ: Եւ այսպէս առեալ զնա ընդ իւր
բերէր ի Հայաստան, վստահ լինելով
երթալ անդր և անաշխատ առնուլ զքա-
ղաքն: Չայն լուեալ զօրաց Հռոմոց, թէ
եւ երկնչէին յանուանէ թագաւորին, սա-
կայն կազմեալ պատրաստէին ըստ օրինի
մարտի ընդդէմ նորա: Իբրեւ տեսանէր
զմեծ բազմութիւն զօրացն, լքանէր յանձն
իւր, զի ասեն, աւելի քան 120,000
լինել զօրացն¹, որ մնային զաւստեան նո-
րա, և կազմէին ի պատերազմ ընդդէմ
նորա. զահի հարկանէր պարսիկն, խոյս
տայր, երթայր յայլ քաղաք: Եւ սորա
զհետ նոցա պնդէին հասանէին առ նոսա
և վարէին անտի եւս: Եւ իբրեւ երթային
մերձ հասանէին ի զօրս թագաւորին՝ ա-
ռաւել եւս ճանաչէին զզօրութիւն իւրեանց
թէ մեծ է յոյժ, և արհամարհէին զնովաւ:
Տեսեալ զայս ամենայն թագաւորին և զի-
տացեալ թէ ո՛չ եւս կամաց իւրոց յաջո-
ղէ, դարձաւ ընդ կողմանս լերանցն հիւ-
սիսոյ, դէպ ի Կապադովկիա, կամելով
երթալ առնուլ զԿեսարիա: Չայն տեսեալ
Հռոմոց, ընդէմ դարձան նմա, և յառա-
ջագոյն քան զնա եկին ի Կապադովկիա:
Կալան զառաջ նորա և սպասէին նմա ի
մէջ լերանցն² Կապադովկիոյ, ուր և ար-

1. Չիք յԱրարերէնն թիւ զօրաց:

2. Ըստ Բար — Հերբ. ի լերին Բագրատայ. որպէս
Թարգմանէ Բրունս: